



## Faia o Tui Puipui e Puipuia ai Mai Fa'ama'i o le COVID-19

### O tui puipui fa'afouina 2024-2025 o le COVID-19 e saogalemū, aogā, ma fautuaina mo i latou uma e ta'i 6 masina le matutua ma sili atu.

O le tele o tamaiti e ta'i 5 tausaga le matutua ma sili atu e na'o le tasi le tui fa'afou 2024-2025 e mana'omia ona fai.

- O tamaiti e ta'i 6 masina i le 4 tausaga le matutua e ono mana'omia le sili atu ma le tasi le tui puipui mai se tui fa'afou 2024-2025 mRNA COVID-19 ina ia fa'afouina ai tui o le COVID-19.
- O tamaiti ta'i 6 masina ma matutua atu e feololo ma matuā vaivai puipuiga fa'alenua o le tino, e tatau ona fa'amae'aina le fa'asologa o ulua'i tui puipui e tusa ai ma o latou tausaga, ma talafeagai ma tui puipui 2024-2025 COVID-19 ma ono maua ai tui fa'aopoopo o tui fa'afou 2024-2025 COVID-19 pe tusa o le 2 masina talu ona mae'a a latou tui mulimuli.

### O a tui puipui o le COVID-19 o loo avanoa i le taimi nei?

#### **Pfizer BioNTech/Comirnaty**

tui taiala 2024 2025, mo tamaiti ta'i 6 masina le matutua ma sili atu\*

#### **Moderna/Spikevax**

taiala 2024 2025, ta'i 6 masina le matutua ma sili atu\*

#### **Novavax**

Tui taiala 2024 2025, mo tamaiti ta'i 12 tausaga ma sili atu le matutua

*O le \*Comirnaty ma le Spikevax o igoa fa'amaketi o tui puipui o le mRNA ua fa'amaoniaina nei mo tamaiti e ta'i 12 tausaga ma sili atu le matutua. O le Pfizer ma le Moderna mRNA o tui puipuia fa'atagaina aloa'ia mo tamaiti e ta'i 6 masina ma matutua atu.*

## Fa'amata e saogalemū le faia o isi tui puipui i le taimi e tasi o loo fai ai tui o le COVID-19?

loe, e saogalemū le faia o se tui puipui o le COVID-19 i le taimi e tasi e fai ai isi ou tui puipui. E lē mana'omia le fa'atulagaina o se aso mo isi tui puipui fautuaina e ese mai tui o le COVID-19. O le faia o se aso fa'atulagaina mo tui puipui o le COVID-19 o se isi avanoa lea e te maua ai tui fautuaina uma.

## E fia ni tui e mana'omia e la'u tama mo le fa'afouina o ona tui puipui?

O tamaiti ta'i 6 masina - 4 tausaga le matutua e leai ni tui puipui na faia e fautuaina le faia o tui e 2 o tui puipui fa'afou 2024-2025 Moderna COVID-19 poo le 3 tui fa'afou o le 2024-2025 Pfizer COVID-19

O tamaiti ta'i 6 masina - 4 tausaga le matutua na fai tui muamua tui puipui e fautuaina le faia o se tui e 1 pe 2 o tui puipui fa'afou 2024-2025 Moderna poo le Pfizer COVID-19 (o le taimi ma le numera o tui e faia fuafua i tui o le COVID-19 sa fai muamua).

O tamaiti ta'i 5 tausaga ma matutua atu e fa'afouina o latou tui o le COVID-19 pe afai e fai se tui se 1 o tui puipui fa'afou 2024-2025 Moderna poo le Pfizer COVID-19.

O tamaiti ta'i 12 tausaga ma sili atu e le'i faia muamua ni tui, e agavaa mo le faia o ni tui puipui se 2 i tui puipui 2024-2025 Novavax COVID-19, Vailaau mo le una'ia malosi o puipuiga fa'alenua o le tino, 3 vaiaso e va ai.

O tamaiti ta'i 12 tausaga ma sili atu sa faia muamua tui puipui i tui o le COVID-19 (ma e le'i faia ni tui puipui i tui fa'afou 2024-2025 o le mRNA COVID-19) e agavaa mo le faia o se tui se 1 i tui puipui fa'afou 2024-2025 o le Novavax COVID-19, o se Vailaau mo le una'ia malosi o puipuiga fa'alenua o le tino.

O tamaiti ta'i 6 masina ma matutua atu e feololo pe matuā vaivai puipuiga fa'alenua o le tino e tataua ona fa'amae'a se fa'asologa o tui ta'i 3 ma ono mafai ona faia tui fa'aopopo mai tui fa'afou 2024-2025 COVID-19 pe tusa o le 2 masina talu ona mae'a a latou tui mulimuli.

DOH 820-246 Samoan

Mo le talosagaina o lenei tusi i se isi fa'atulagana, vili le 1-800-525-0127. Mo i latou e logonoa pe fa'aletonu le fa'alogi, fa'amolemole vili le 711 (Washington Relay) pe imeli le [doh.information@doh.wa.gov](mailto:doh.information@doh.wa.gov).

## E iai ni tau o tui puipui o le COVID-19?

E tusa ai ma isi tui puipui, o tui o le COVID-19 e kavaina i le tele o fuafuaga fa'ainisia. O tui puipui o le COVID-19 o le a fa'aaauu pea ona maua fua e tamaiti i le setete o Uosigitone se'ia aulia le 19 o latou tausaga e ala i le polokalame o le [Childhood Vaccine Program \(Tui puipui mo Tamaiti\)](#) (na'o le Igilisi). E iai foi polokalame mo tagata matutua e mafai ona fesoasoani e kavaina tau o le faia o a latou tui puipui pe afai e leai ni inisia o le soifua maloloina pe e le'o aofia le tologiina o tui puipui i a latou fuafuaga fa'ainisia. Afai o oe o se tagata ua sili ma le 19 ou tausaga ma e le'o iai sau inisia pe e le kavaina e lau inisia nisi vaega o ou togafitiga, e mafai ona e maua se tui puipui 2024-2025 COVID-19 i se tau maualalo e ala i se 'au'aunaga fa'atausi soifua o loo iai i totonu o le vaega o le [Washington State Adult Vaccine Program \(AVP, Polokalame mo Tui Puipui o Tagata Matutua\)](#) i le Setete o Uosigitone (na'o le Igilisi). E ono tuuina atu ia te oe e lau vaega o le AVP se tau ete tologiina o tui, peita'i e mafai ona e talosaga e aveese pe afai e le mafai ona e tologiina. E le mafai ona teenaina oe mai le maua ai o se tui o le COVID-19 mai se vaega o le AVP pe afai e le mafai ona e tologiina. E te maua 'au'aunaga fa'atausi soifua pe a e fa'aaogaina le [ata fa'afanua o vaega o le AVP](#) (na'o le Igilisi). E mafai ona e valaau i se tasi o vaega a le AVP e latalata ia te oe mo nis fa'amatalaga i oloa o loo maua fa'apea ma le fa'atulagana o aso mo a latou 'au'aunaga.



**Fa'afesootai mai Matou**

[Covid.Vaccine@doh.wa.gov](mailto:Covid.Vaccine@doh.wa.gov)

360 236 3642

[Ta'iala mo Tūiga o le COVID 19](https://www.cdc.gov/vaccines/covid-19/clinical-considerations/interim-considerations-us.html#%3Acovid-vaccines) <https://www.cdc.gov/vaccines/covid-19/clinical-considerations/interim-considerations-us.html#%3Acovid-vaccines>

[Childhood Vaccine Program](https://doh.wa.gov/public-health-healthcare-providers/public-health-system-resources-and-services/immunization/childhood-vaccine-program) <https://doh.wa.gov/public-health-healthcare-providers/public-health-system-resources-and-services/immunization/childhood-vaccine-program>

[Adult Vaccine Program](https://doh.wa.gov/public-health-healthcare-providers/public-health-system-resources-and-services/immunization/adult-vaccine-program) <https://doh.wa.gov/public-health-healthcare-providers/public-health-system-resources-and-services/immunization/adult-vaccine-program>

[Vaccines.gov](https://www.vaccines.gov) <https://www.vaccines.gov>